


5237.8/7922(4)
C12

近代詩鈔

四



近代詩鈔

劉蓉

蓉字霞仙湖南湘鄉人諸生官至陝西巡撫有養晦堂詩集

石遺室詩話霞仙先生散文氣盛言宜不斤斤於吞吐規仿詩亦然閒工對仗如茶烹石鼎膨脝腹酒吸銅錕屈曲腸猿猱自愛愚公谷鸚鵡能尋御史灘慣看僕固如廝養真覺寬饒是父兄京畿地本居心膂祈父才堪任爪牙

東吳樓臺

談兵縱酒愧吳蒙萬卷圖書誤乃公樓上元龍空意氣市中屠狗是英雄種桃道士狂猶昔射虎將軍老更窮二十一年孤客

淚痛隨熱血灑秋風

寄曾滌生侍講兼柬郭筠仙孝廉

灼灼春花明皜皜秋霜潔人生誰百年忍此長途別一別五載
餘尙能幾良覲萬里一相思長風起天末孤燈亘長夜夢想見
顏色螢火抱微明熒熒終不滅君侯金閨彥磊落千夫傑矯然
天麒麟騰蹕不可繼郭子詞壇雄清言蜚玉屑吸古得精華尋
甘且饕餮二君命世英而我獨頑劣探懷出肺肝相視成莫逆
重以松竹盟合作金蘭契手足自相依寧論膠與漆天道有虧
盈人事多蹉跌浮萍遇楊花聚散不可必

軍書行

并序

壬戌八月賊帥李泳和由八角寨竄踞犍爲所屬之龍
窩場楚軍濬長濠圍之累月未克駱籲門宮保慮其復

竄而西也檄予親往視師閏八月十六日發成都二十
一日至軍又四日克之縛逆渠俘其黨僞統領以下五
千餘人皆聚殲焉四年巨患一朝消弭蓋將士血戰之
力而予適逢其會未可攘以爲功也九月朔日還師宿
犍爲寓館輒作長句呈同僚諸君子兼柬友人陳懿叔

沈吟樵

軍書夜走錦城闕輕舸朝向犍陽發案牘埋頭苦未了忽如鷹
隼脫羈紲凌雲臺下繫扁舟更踏山巖訪禪窟當年臺榭已荒
榛坡老風流久消歇丹鳳山頭使節來萬幕歡騰慰飢渴健兒
百戰未覺疲英姿顧盼生雄傑賊騎夜突陣雲亂一夫當隘神
不懾將軍斷腕髮猶指壯士折肱背更裂長濠十圍地網成楚
歌四面重瞳泣青條三尺縛降王須臾掃盡狐狸穴書生破賊

亦偶爾聊舉鉛刀試一割翻辱豎子錫佳名投戈驚呼賽諸葛

去秋綿州之捷賊中遂有賽諸葛之稱諸葛往矣大名垂迴車比至軍賊目羣相驚曰賽諸葛又至矣

猶走生仲達從來戰士貴先聲聲威所震氣已奪晉人兵甲耀
如林八公草木自成列破膽爭傳小范公單騎還服大回紇古
今得失總如此要有虛聲褻奸魄究觀成敗亦有數謀人自工
謀天拙文人描畫苦失真青史紛紛徒浪說况復愛憎任羣喙
有如黃鸝囀百舌此事流傳知何極坐看蜃樓眩金碧讀書求
道苦無成虛名爲累終何益丈夫歸臥須及時猶得餘光對書
籍爲君揮塵淨烽煙回頭一笑吾事畢君看萬點蜀山尖雪泥
漫滅飛鴻迹

舟次襄陽值上巳偕張實君唐鄂生朱鐵橋同游峴山徘徊

竟日因賦詩以弔羊叔子用發其微志云

襄陽山水何委蛇春光掩映明玻瓈恰逢上巳修禊日來讀羊
公墮淚碑峴山臨漢俯培塿名垂天宇高巍巍叔子音徽嗟已
邈但見遠岫含烟霏寥天澹宕曠無外川環一帶清漣漪雲際
孤帆沒飛鳥雨餘遠黛橫修眉不待攀棠想遺愛風物猶堪千
日思當年衣冠盛江左晉武盜鼎初開基蜀運已衰炎祚改兩
雄角立爭江淮將軍旗鼓出宛洛征南牙纛懸風雷典午朝廷
豈足仕一官權寄荆湘隈地醜德齊等割據吞吳併蜀計何猷
中朝君臣但兒戲謬圖一統兼八垓將軍志在父黎庶但緩裘
帶清邊埃不爭逐鹿侈功烈高懷雅度何遼哉落日閒登峴山
首幕中羣彥紛追陪知公遠眺俯寥廓茫茫萬感愴中來四海
何人知大計雲煙起滅隨風推龐公往矣臥龍逝平生偉抱當
誰開元凱卑卑何足道乃銘勳績鐫崔嵬斯人一去邈雲漢英

風千載沈泉臺我來弔古追遺蹟肯使此意埋蒿萊詩成酌酒
醉英魄欲傾漢水湔餘哀

遂初園既成復作玩易閣繹禮堂迎薰館修篁寮天游臺
以侈其勝因乞何子貞編修爲作榜書輒賦二律代柬
小築園林署遂初居然猿鳥得吾徒門前秋水神俱遠嶺上白
雲心自孤莫使囂塵侵栗里要收春色入蓬壺額題酷愛如椽
筆一首新詩換得無

先生妙筆翔鸞鵠居士幽廬枕竹梅試取雪花濡素壁看揮墨
瀋灑蒼苔醉翁畫舫能無勝

歐陽永叔畫舫齋記末云予友蔡君謨善大書頗怪偉將乞其大字

以題坡老凌虛故有臺博得聲光照天宇龍蛇奇蹟走風雷

園花爲風雨摧落感賦長句

曉日烘園破杏腮暮雲沈檻裂驚雷寒窗欹枕愁終夕猛雨摧

花殞半開天意蒼茫成小劫人才今古寄浮埃飄茵墜溷曾何
擇搖落春風惜此材

曾太傅輓歌

海內論交我最先從容文酒記當年可憐鶴髮支離叟老向人
閒哭逝川

坡詩殊妙得天然千里殷勤寄一聯今日吞聲成死別從誰掘
地及黃泉

道光辛丑公在京師集東坡句爲聯見贈云此外地

道義盟心結契真論交從昔薄雷陳世情祇羨彈冠客王貢何
常是偉人

予在幕中且久薦腹中每列予名輒持不爾邪予謂此

蕭朱王各有志亦奚必以此相強邪公深然之習非終身未嘗

論薦故其交誼亦最爲近古云

半截昌黎自一奇全身曼倩卻無稽若援兵法論文律未許莊

近代詩鈔

劉蓉

四

生壓退之公在軍中營出一文稿予舉予讀竟笑曰其始也得惟

陳言不窮予又夏笑曰其難全已而談期矣

戊日前知返帝鄉詩仙詩鬼待論量語儂把臂天台路君馬青

青我馬黃正月十八日夜夢與公為天台雁宿之游既命取馬公

忽曰然而公何乘也仍公乘以兩手去邪髮予徐應曰我已之馬維黃已而淚下

方訝問之而遂醒矣迨二月之先兆之計則

端木持衡坐上台班韓真是考官才此行好作江南賦莫被昌

黎黜放回子官軍克黃州文衡司馬子長班得一堅韓退之異記中言

凡名士死者皆令赴云試公覽者笑語入昌府管事黜落者即放

不取君我而黜公也相人觀而笑蓋公嘗使端謂昌子黎自為敝師卷安知

近代詩鈔

羅澤南

澤南字仲嶽號羅山湖南湘鄉人諸生官寧紹台道

羅山吟

家住羅山第幾曲碧水繞門清可掬南窗捉絮倚垂楊北岸跳
珠挂飛瀑渴來烹茶自汲水游魚上下紛相逐垂鈎終日不得
魚高歌一曲湘水綠

家住羅山第幾曲幾株叢桂幾竿竹青帘競沽遊客酒碧田多
種鄰翁粟日暮鄰家糴新米拾得生柴煮淡粥炊烟未熟客忽
來挑燈共展奇書讀

家住羅山第幾曲百年松枝大如穀老鶴歸巢即友朋連林積
雪皆珠玉小爐無炭冷風侵好是西牕對紅旭新詩裁成無人

近代詩鈔

羅澤南

和落落梅花香滿屋

家居

不到奇窮總不奇田園鬻盡忍長飢家貧幸免官催稅事少惟
來友索詩日出尙眠宵坐久客來待借午炊遲窮途莫道生涯
盡儘有文章作酒費

弔蔡江門先生

今古興亡感慨同時窮世亂見孤忠曾聞夢繞熊湘閣公泣潭

州我泣公

宋李帶殉難公湘閣人稱爲李潭州先生
至長沙時夢李公接之因哭奠於其廟

補裘痛懷先祖

冷雪凝階二月初羊裘補得勝華裾風霜記否當年苦典盡春
袍送讀書

乙巳客長沙清明感懷

兩年旅邸過清明佳節重逢倍愴情麥飯遙憐諸弟薦松醪獨
少一人傾高堂白髮貧中老遊子青春客裏更嶽麓峰頭雲霧
冪不堪重聽鷓鴣聲

喜雨

茅檐一夜雨農家百萬粟清晨荷鋤出長歌綠水曲

題寒梅圖

冉冉寒香渡水涯溪南溪北影橫斜含情最耐風霜苦不作人
閒第二花

清和既望月下偕諸生夜坐

皓月凌空照綠波廣寒宮裏舞嫦娥憑誰埽卻蟾蜍影天下清
光應更多

古劍

近代詩鈔

羅澤南

二

4/26/31

仗劍天下遊延津不可渡不平事尙多莫便化龍去

登章江門城樓呈江岷樵廉訪

突兀高城接上台千重雉堞倚江開浙閩山向雲中繞章貢水
從天際來相見適逢多難日持危全仗濟時才興懷往昔情多
少聊坐高樓共舉盃

小龍駒

有馬較諸馬獨小臨陣奮迅過之疾徐進退無不如意
呼爲小龍駒

兵家勝負決須臾幾度疆場得意驅莫訝將軍天上到出羣應

識小龍駒

去秋平安福時有
天上將軍之語

讀兵書

至仁原無敵湯武兵書祖惟使三軍心共知萬姓苦飛揚猛士

風飄灑王師兩逆命有苗民兩階舞干羽

和曾滌生侍郎會合詩

人生如荷露聚散無常期矧當爭戰後死生不可知寇盜起粵
管蚩尤揚天旗承平二百載文武爭恬嬉以此長驅入天下喧
鼓聲江漢吼鼉鼉金陵窟狐狸誰敢撻其鋒卵翼我黔黎天子
詔令下侍郎起南維水師駛鳧鷁陸師飛熊羆舊交入帷幕經
濟酬所知老筠與腐公朝夕參軍機軍旅我未學末座聊追隨
憶昔癸丑夏妖氛逼江西老筠偕我出往助岷公威賊聞膽已
落一戰旋解圍筠車漢水回我馬吉水歸共知才不逮誓各隱
衡嶷侍郎何慙勲葑菲不我遺更得塔將軍拔之由偏裨忠勇
冠三軍士氣隨轉移甲寅六月初旌旗下湘磯洞庭倒巨浪大
江燃靈犀巖巖半壁山滔滔富池湄長江沈鐵鎖荆楚復藩籬

射蛟潯陽江王師欲東之胡爲江水沸長鬣鼓鯨鯢封姨吐鬼
火堅城頓雄師物論遂紛紛尤吹腐公疵成敗以論人西施亦
可媿蘄黃路迢迢鎖鑰者阿誰賊旗復西指鄂渚填積尸東道
廣與饒浙閩路嶽熾賊又搗其虛多方令我疲侍郎曰否否禍
者福之基丈夫誓許國艱險復何辭旌節駐匡廬樓船修彭蠡
塔公擬西征我兵靖東陲堂堂數路出不自惜奔馳調度雖有
方未免傷際違老筠知其故翻然出書幃欲紆侍郎憂用慰腐
公思我方戰信水不得晤鬚眉斯人旣未死世事尙可爲嗟哉
賊勢猖六年已於茲長江幾千里嗷嗷鴻鴈飛吳人或越奔南
人復北棲父子不相見妻孥長別離何時清寰宇大旱慰雲霓
普天兒女子共作會合詩

近代詩鈔

徐樹銘

樹銘字壽衡湖南長沙人道光丁未進士官工部尙書
有澂園詩集

襄陽古歌辭

山環水鈕古關鍵重鎮天設兩戒區三塗轅轅互襟帶裊斜漢
沔相鶩趨秦鋒漢鏑陷陳死鐵守銅柱強援扶驚聲沸天角鳴
野扼要闕隘軍敦鋪英材名將卓勳烈網維廢絕叢奸徒江山
如新幾污垢至仁覆育回天樞及今綏靖臺闔闐但見鞍勒行
踟躕長官頗能事教勅軍卒汗漫忘衣袵在德在險古明訓豫
教慎守規不虞

題贈鮑小山觀察見示香泉太守墨蹟冊子五首

近代詩鈔

徐樹銘

一

欲屺仍行引未伸香翁數語最傳神誰從慘淡微茫裏直到仙

庭養性真內香泉居十士所行跋云黃庭有臨古數則皆可玩首書黃庭

與不伸軍同往迴顧人縱橫轉折近元常其能殆有妙過化鍾王而復外者

且後之學微者惟趙文敏董文敏不能以髮所層如剝子蕉歷知也披筆沙

所過之在學微者惟趙文敏董文敏不能以髮所層如剝子蕉歷知也披筆沙

巨川告本庸奴作押字空題徐會稽一自華亭許清雋人間無

復有燃犀語云胎董華人亭題徐會稽書是官奴俗手用法清雋純以翁

輕亦欲與公結一觀之真如緣也亦美殆為華亭悅吾為臨

髯蘇自擬率更令後世或云徐會稽神似括州猶未盡涪翁松

雪可攀躋有香翁是臨茶白稽帖跋云東坡先生書自謂其筆李北海或

在多矣自謂中學且有括州翁特松雪風致亦後人傳學流之本然亦無妨帖

必乎當造詣高能天留意揣摩

歷落崑碕出自然神明雋拔得天全平生一品皇山石不獨傾

心是米顛書快香翁所以刻為七年烏元帽抗黃塵乃快語船道第一以為佳蹟又瑤云

也由其性於高潔神下千拔心無所蘊發於運才益確此歷殆落天精授

自微成妍妙隨世多而好出者不皆符莫知其自然要與前人其合跳節擲其取得勢力烏處能

翁望及力益背未哉能香翁及此所謂天授非章人知力已惜香

快雪千秋留鉅蹟人間曾許詫真龍鷗波畢竟殊年代那得真

超最上宗信香也今云快雪府時人晴刻余得而見法癸未九月三日吾奕不禧敢

是記正按法松何雪得一以生心疑折之山即陰以其趙公論去快雪合以隔趙重臨山快香翁自

輪臨之相去限益無遠如矣何古也人余跋厚之翁氣出於云天叨授而後人出臨引寫且無不從伸貫

是太守一守生致力處世有知言當不精微妍妙是

石門飛瀑圖為周級卿學師作

括蒼山來三百里飛翠峨峨轟天起兩山團合不肯回石壁奔

近代詩鈔 徐樹銘 一一

流走蒼髓銀河倒瀉知難瀉玉水琤琤自揮灑一折二折突出
羣千珠萬珠迸盈野涼颼颼颼滿衣裳六月五月生新涼十年
舊事如春夢猶覺澗邊松桂香月中憶踏松杉影坐石徘徊看
清冷屐踐謝公行處苔手汲青田淪時井雲間大寫夢中緣千
七百年年復年前生隱處猶能記知是金庭第幾天

長安杜文貞祠林穎叔方伯

壽圖

以韓瑜所模南薰殿本

刻石拓貽董研樵觀察

文渙

同作

曾踏百花潭上水拜公祠兒森清奇劍南配食薦谿藻竹堂剡
剡青竹枝別來回首廿四載魂寤夜夜峨之眉南薰高閣祕丹
地賢聖遺像權軒義傳聳歲敕一檢理重緹襲玉嚴守持林君
何從倒盞橐籥笏儼若瓊瑤姿鬢公黯黯值衰亂許身未獲追
皋夷隋隘蜀棧殿清扈主辱那計身安危挺之此兒絀才用僅

以職事相羈縻酒間片語肇柄鑿鬱鬱迺類縣匏爲蛟龍哭送
輒古誼蕭然掉尾泥曳龜未陽羈旅渠獲已營魄嶽嶽衡麈塵
岳陽浮殯歸那尋又四十歲還偃師首陽山前駭亢莽文先生
謚知無私生平得實在忠義餘力大勇揚歌詩呂相繪本世不
箸蜀中豈復存詩碑渭南兵火甫綏定秦黎自昔多創痍長官
今綏隸閭里饗假神鬼禴與祠舊基勿壞構宇復泐石樹表南
山陲當年瀾游已陳迹下馬展謁知何時衣冠端拜古氈墨靈
氣拂拂高堂隈

米襄陽多景樓詩册健辭雄筆墨彩如新予典琴購之既

而爲友人借觀旋物故無從追取今亦不知所在矣感

和原韻一首

江山六代恣狂遊躡屐平明上此樓顛史豪吟橫健筆颯颯快

近代詩鈔

徐樹銘

三

雨洗清愁遙臨泰華千峰入俯瞰金焦兩點浮煙淨極天迴雁
鷺月凝華渚燭犀牛東溟氣爍銀臺曙北固寒生鐵塞秋惆悵
髯仙逢黠衲枉將玉帶壓虛洲

題白蘭岩觀察同年所收錢□□湘江攬勝圖

去年又別瀟湘去萬里仍爲汗漫遊遙識故人期我處幾回來
上橘洲樓

十年官閣聯吟榻曾看瀟湘太守圖今日使君無一事故應清
夢到重湖

一鶴曾來江上山憑闌嘯集空雲煙百年片羽如心印更想靈
蹤千歲前

歷歷鄉心寄釣竿出山容易入山難今朝煮酒緣何事卻把江
山畫裏看

杭顧風流海內師閩嶼越秀紛猱離因君欲訪鷗波子補寫秋
風鵲華詞

午夜風大作感念飢人媿旅館之修侈矣

古刹長松吼夜濤陰巖蟠幹拂霜毛寥天鶴語堯時雪使節人
矜漢代旄獸炭鑪煊紅韎韞螺杯春煦錦葡萄獨憐蔀屋秋風
破白桁無衣夜月高

四明本華山碑朴山將軍所藏今復從荇農少司農處見
之

平生好遊輕笠屐腰脚頑健身忘疲攀蘿陟巘括遺字片分隻
篆窮瓌奇勃然興發試椎拓山翁樵子驚相隨苔縫蘚罅檢滌
絕時快節角生險巖摩挲不恨點畫缺但恨沒字成空碑蕭梁
拓字已奇寶度宋越晉何曾窺兩漢勳私媚頌禱大書深刻牟

工倕卽今移覆事精揚鋒韻頑敝存形規况經塵劫增創夷崑
岡炎玉同一悲瑋哉此拓琬與圭英光古墨流英蕤廿年朴園
若寤寐夢痕不去留肝脾名賢耆耆宿題賦歷歷數可家珍爲
蘇齋丈人今大師商榷古昔通娥羲名書妙墨縑襲富對此猶
覺襟神怡傑懸敝宇共攀讀每有異趣手自撫左文兼職衛公
記萃編闕字珠懸驪全珉廣狹粲行列漢尺詳度論崇庠流傳
山家數百載題記廿二兼四詩太華之峯何巖崖三峯截方西
北維靈神嚴祀萬古柏元氣此紙如護持世間不朽有金石此
石誰琢夫誰墮體疑石經筆近蔡郭香香察爭雄雌汝陽子孫
世台輔名德重與球刀垂紛紛餘子驥尾附千歲竝識從者誰
逢遷京尹孫璆繼闕略猶可范史裨山史長垣兩珍祕此最寶
貴君無疑雷塘鉤廓補剝蝕完好觀若當延熹閒居展閱固一

快聚會燕語尤所宜王瞿李繆時儁彥一堂爭看同愕眙白翁
詩成數十日我懶著墨嗟已遲新秋暑退涼雨足晚花玉燦芬
馨披追尋端緒付煙素神往玉觀金仙祠昔年蹤跡况塵土蓮
風雁雨嗟渺瀰中更兵燹十數載餘劫亢旱艱粥糜崇樓偉殿
更何許無乃頽圯殷修治高要中丞雅好古丹楹植木趺支龜
補鐫定復覓善本可令一騎來取之重看甍蠟十萬紙爲賢海
內文士飢

泰山二十九字拓本

羲皇造化作文字象形會意精且奇縱橫跌宕出蟲鳥龍跳鳳
翥森威儀流傳變易近板滯無復天趣蟠委蛇籀方斯圓自謂
可紊亂古法無子遺偏旁省約體勢繆日趨簡易偃矩規雲陽
獄吏更草草剪裁猥僞堪一嗤因仍兩漢不能革意象漸盡無

由窺我生崛强擘鼎彝髣髴古義存毫釐名言已絕傳者少畫
肚箝口夫何爲披燃默坐三歎息安得頡誦相追隨碧霞宮中
不留遺無乃神厭秦德衰不然斯相高位置欲居岱頂窮嶮巖
儒書坑盡汝作字不知胎孽從某誰侈心譬若輒海湄招集仙
侶淪渺瀾琅邪嶧山誦功德博浪已試沙中錐近年銅版出人
世衡權鐫泐同一麾霸圖久付咸陽炬強託文字存汝私何不
畜馬汧陽陲守汝侯度勤修治攀桓捐晉事天子興復姬室如
邠岐虎狼吞食併六國軹道印綬曾幾時泰山無言古松朽好
留此拓垂嗟咨

光緒丙戌八月十九日湘中同郡諸君餞張篋颿觀察

錦

瑞俞竹山大令成慶於江亭率然有作四首

城南不到已多時秋入郊原到處宜默坐息心無一事不煩瓜

李宴南皮

碧紗窗子玉玲瓏亭外青山刻露中不使一塵紅到眼葦花無
礙夕陽紅

漢廷好客鄭當時珍錯紛陳水陸宜卻喜三張盛文雅爽唵涼
雨浸龍皮

高車翠轂聲瓏瓏既醉羣賢復一中別緒不隨流水盡遠心長
映佛鐙紅

梅盦祭書圖爲徐秋堂作

梅花道人署庵主價儷元畫名家三治亭尙書踞高格書軸小
印鐫梅盦名人自與梅有素心梅骨梅本天賦誰遣花堂注六
經更令草木通箋注秋堂先生天之人高眉廣顙重朱脣長鬚
濯濯照風日坐令見者驚爲神五年上京與王會兩奉蕩節充

近代詩鈔

徐樹銘

六

元賓峨冠博帶耆宿貴廣才博學名卿倫登高山川能賦說使
選信矣稱邦珍註書且究少牢禮曲臺典記增輝新遺圖古今
缺逸久微文徵索存元真清庭釋菜廟俎豆揖讓鄭衆攀井春
古人球璧重圖史壁閒絲竹非逃秦鬼神呵護萬古屹尺簡長
短空斷斷先生聚書肅庭戶昔聖優侑如相親曰予啟佑告尸
祝宜稼受祿壽且仁陋儒掩笑事無用頗類獺祭兼書困先生
聞之如不聞含毫染墨忘其貧

陟華雪後追憶辛亥十一月

雪中太華白皜皜截立萬仞金天西撐奇距險杳絕界強躡鍊
棧登霄梯韓公投詩別故舊坡老漱灑黃花卮豪歡傲懼鬱胸
隘孰遣高詠疇驚唬柯坪積玉久沒脛泉院淪雪鳴酸澌豐碑
太素振奇響冰棱簇簇生寒威玉女歛裝矻肌骨塞雁欲落愁

荒池征夫憩足且一咲高掌蓮花應解頤

奴子起巨石植立玲瓏蒼古高可七尺蓋塵土中百數十
年乃今一旦濯清泉而生雲霧如在笠澤煙雨中矣

巨石如偉人屢扶不肯起祝曰石丈人何爲遽如此庸奴笑相
向努力類有泚漸能辨真質倏見凹凸美須臾奧竅呈塵土紛
下委衆曰此可矣矯正防傾勦端然立平地左右無偏倚頂平
如崑岱旁曲帶邈迤峨峨屹干雲濯濯潤臨水嗟君產南服北
地何時徙將毋花石綱良嶽窮麗侈抑聞異石告致爽徵靈詭
幸無似仇池論說生榛杞頗異假山木名實殊表裏惟嗟塵垢
集苔蘚無從紫霾淪曾幾時樹立自今始慎毋念舊惡角觸背
倫理慎毋縱骨性傲狠侔犀兕汝才既不凡汝達尤可喜勉守
堅貞德靜定縣歲紀孫公能說法變化祛頑鄙聞言儻點頭千

祀安汝止

近代詩鈔

李鴻章

鴻章字少荃安徽合肥人道光丁未進士官至文華殿
大學士諡文忠有遺集

再疊前韻贈仲僊

江呂諸公骨作塵鄉邦扶義仗君身危疆赤手支三載饑歲仁
恩賑百困丙辰大旱君借捐賑活鄉人甚多天子知名淮海吏蒼生屬望澗阿
人眼前成敗皆關數留取丹心質鬼神

龍潭阻風懷彭雪琴方伯

秋風縱酒潯陽郭夜月聯吟赤壁舟往事隔年如昨日故人擊
楫又中流萬篙煙雨樓船靜六代江山畫角愁不見元龍湖海
氣臥聞涼吹撼汀洲

近代詩鈔

李鴻章

登小姑山感懷

岷峨東下數千里吳楚中分此一拳樓閣高低嵌一作環竹外湖
山左右赴簷前春風春雨妝臺黯江北江南畫稿懸絕頂俯臨
塵世小便騎黃鵠挾飛仙

寄越南王詩

河山表裏本天成寄語賢王建樹宏朝漢尉佗猶有志帝秦新
衍竟何名雕題部落三關控嘗膽君臣百慮生垂老伏波猶矍
鑠五溪南去不勝情

丁亥春日醇邸召遊適園漫成五言詩六十韻

京華盛冠蓋車馬紛長衢十日黃塵中妮妮意不舒何期朝市
繁忽見林壑疎朱邸開名園別在城西隅東風二三月雜花千
萬株俯檐弄嘉禽出沼窺文魚追陪竟日夕暫欲忘簪裾同游

得汝陽

貝心子

久擅羣公譽捷句爭歐梅

見貝子

詩思

敏堂

詩註妙墨兼

楮虞凌雲標巨榜一一皆染濡

園中題

中開頤壽堂獨表

東平書

頤壽堂名

宣贊高七德

宣贊七德

福祿應九如東西

列層樓

東樓西樓

雅稱仙人居窗前萬竿竹

林竹

不羨洋州腴流觴有

曲水

修禊

名蹟連秦吳導來鳳尾泉激同龍首渠小試神禹功

卽此見鑿疏會看挽銀河洗甲登昌閭上探星宿源

問源萬派

咸東趨風月更雙清

清風月雙樓

如水明階除足佐今夕談不待終

古儲何事顧長康渣滓生太虛落落撫長松撫松凡卉皆芟鋤

但存正直意自有神明扶空山太古春醞釀冰雪敷築館名寒

香

寒香

歲暮還相於春秋佳日多雲霞憑寫攄

攄攬春沁並園中額

名旁入罨畫軒

軒

花綺而石癯別尋小幽趣

小幽趣逸韻追髯

蘇入室得退庵

退庵

靜坐萬緣祛九州在一室舒卷常有餘時復

喜晉人壯語懷司徒

九思堂詩

司徒懷

壯語

既擬

逸少亭更作

淵明廬

陶廬

二子皆人豪何止達士模豈曰尙清談高論能嘯枯

梁苑馳羽旄魯殿喧笙竽但誇池館富或競文史娛獨愛會稽

王手秉廊廟謨蕭然念濠濮神體固自殊從知至人心適意非

軒朱王今宰四海元和持大鱸豈惟適其適百彙同戚愉自笑

鞅掌中警節仍馳驅恨無三日留清景何從摹歸來撫鏡畫

上年

蒙賜洋法照影册咫尺羅瀛壺未必米家幃有此肖妙俱忽憶咸

陽帝虎眎營八區北原列宮觀盡寫六國圖又聞古神人山海

爲杯孟五城十二樓現影在斯須便欲跨五洲萬里凌飛鳧王

會開明堂仙籍通清都須彌納芥子取喻今豈誣謝傅懷一邱

鄴侯訪五湖功名愧昔賢此志同不渝東路期岸巾北門猶建

旃平泉未有莊石淙行就燕驃騎不爲家敢謂憂匈奴南望淮

山深慨然念故墟

近代詩鈔

黃彭年

彭年字子壽號陶樓貴州貴筑人道光丁未進士官至
湖北布政使

爲臨恭題王文恪詩墨

抗塵我尙慚文恪作吏君如胡季思吳會先賢名蹟夥一編會
合足稱奇

乃園小集遲菊許爲作圖湘麋詩先成卽用其韻邀藍洲
賡甫同作以堅作圖之約

騎鶴入雲中遠近隨風颺茲山偶息影明月疊清牀因樹結爲
屋好花編作牆竹深荷亦淨主客情俱涼名勝喜互證各言誇
故鄉詩非擊鉢催圖或舒錦長鴻雪餘爪痕駒隙餘妙光五老

近代詩鈔

黃彭年

一

昔嘉會香山千載香俯仰趣一致此情難可忘後來好事人應指梅花旁

雨後藍洲湘湄遲菊賡甫重集乃園率賦紀事

朝逢快雨來暮喜德星聚民樂不勞官客閒應似主山花紅欲然園蔬綠如醺落日照罍尊談星指河鼓及星次語遊從漢上歸蹟攷琴臺古遊湘湄湖方形跡忘去來二客先去中情各傾吐山池方笑言海壖正橫艣徒誦驅鱷文誰挽射蛟弩杞人空抱憂鍊石究何補聊可栖澗槃晨夕從茲數

近代詩鈔

朱次琦

次琦字稚圭號九江廣東南海人道光丁未進士官山西知縣

讀史

廿載深裁車服費百金終缺露臺工君王自惜中人產獨有銅山賜鄧通
長門宮怨久煩紆禍起泉鳩慘重誅聞道至尊慕黃帝不妨脫屣視妻孥

典衣絕句

典衣原不損丰裁盡篋筠籠取次開我喜他家收拾好未因金盡降顏來

近代詩鈔

朱次琦

一

思量雜珮拋何所約略陳書失已多到底敝裘能戀主歲寒時節祇饒他

別久相逢意倍憐記從何處話前緣春衣與我同飄蕩南北東西寄歲年

綈袍贖得當金貂恰是杯觴不寂寥袖底雨花襟上酒可能留到上元宵

乙未閏六月初一夜記夢

天風抱瓊臺盪作江海聲手拓西北窗水遠天崢嶸階礧石璀璨浩與鏡面平明月自出入雲扉長不扃起蹙冰絲弦坐鼓一再行得非飛龍引雜以寒雁鳴聲希月流素梅朶霏英英嗅梅得馨逸有語無聲麇粲者何人斯忽與予日成斧冰持作糜飲我碧一泓戰吻吐復嚥肝肺餘孤清長揖粲者言忍寒我則能

守歲與閨人夜話

漸漸衣棱凍娟娟鬢影深鏡奩今共命燈火此愁心萬態趨殘夜孤思殿苦吟高懷吾媿汝卒歲恥言金

宋真山民詩貴無可買恥言金

近代詩鈔

吳贊誠

贊誠字春帆安徽廬江人道光戊申拔貢生官至福建
巡撫

石遺室詩話句如林開漢沔雙流合天盡氏羌萬樹圍

機出文章已冠昭明選典冊還追太史公班固月到他鄉

疑改色人當清夜迴知秋題失皆壯健

感事十首 錄六

咸豐甲寅秋惠屬東西江巨寇蜂起所過殘破余適權
永篆倉卒遇變嬰城百日防剿兩載境內始獲清肅憫
災黎之顛沛思禍亂之由來觸目感懷吟成十律語不
求工但期紀實俾覽者知所勸懲云爾

五十年前舊戰場萬山迴抱一城荒那堪邊圉驚風鶴更使郊
原徧虎狼苻豈避兵空築堡民思狎盜慣齎糧茫茫浩劫雖前
定人事終難問彼蒼

潢池頃刻弄戈矛極目烽煙野哭稠兵氣已看成赤眚前驅幾
輩奮蒼頭馬蹄夜踏千山黑刁斗寒驚萬里秋多少阡危辛苦
處一時回首淚重流

重圍誰把蠟書傳羽檄催軍亦枉然熱血一腔拼灑地妖氛四
面竟漫天最難士比南雷勇自愧官無召杜賢何意草茅能赴
敵纓鋤畢竟勝橐鞬

戴李橫行結鄭馮危城累月任梯攻旂揮閃電連山白礮響驚
雷徹水紅懸布幾人能直上積薪一炬倏成空笑他枉費移山
力付與蟲沙轉眼中

如山軍令忽飛來一戰能教大敵摧降卒革心皆勁旅文人投
筆亦奇才威弧竟指天狼落中澤難禁鴻雁哀村舍幾家餘燼
在紛紛白骨已蒿萊

壺漿到處解迎師數語殷勤爲爾期徹土要防陰雨日徙薪莫
待燎原時巢空妖鳥蹤應絕牢補亡羊計未遲此後編氓須努
力饒歌唱罷詠幽詩

留別康州紳民三十四韻

宦滯三年轍裝催一葉舟臨歧勞握手感舊憶從頭記捧毛生
檄來爲陸賈遊但期堅白璧詎敢戀黃綢獄想燃犀折錢思飲
馬投無端鯨跋浪頓駭蜃成樓烽火梧江接帆檣峽口收蒼黃
驚鸛鶴昏黑散貔貅妖燄連天熾餘糧刮地搜廈難支獨木柱
莫砥中流奮臂心原壯銜鬚志豈偷平明馳突騎殘夜聽更籌

號召羅英傑艱難奮老謀窟翻蛟鱷徙喁負虎狼留綠澗飛猱
捷連屯聚蟻稠礮聲排密霰旗影颭高秋當道王罷冢前鋒孝
德矛一呼爭奪幟三刻或踰溝傳箭心兵運飛書腕力適櫬槍
期迅掃袍澤詠同仇子敬困頻指陳琳檄早修口口商莠去辛
苦計芻求報國希文志追蹤李相儔毀家推令尹薦士愧虞邱
雁戶棲初定羊牢補未休醇風龔渤海口政魯中牟仁奉袁公
扇寬裁白傅裘有懷方共勉此願竟誰酬未解蒼生困終貽聖
主憂澤難蘇涸鮒盟合證閒鷗清景猶留目離歌怕轉喉攀轅
情款洽贈策意綢繆隄樹蒼蒼暮江波渺渺愁願憑鈴峽水寄
夢到康州

途中卽目

萬竹濃陰口短牆小溪荷葉點秋光分明冶父山前路便擬歸

來築草堂

失題

危磯浪捲雪花麤兩岸青山入畫圖添得瓜皮舟一葉也如三
峽下夔巫

近代詩鈔

夏獻雲

獻雲字芝岑江西新建縣人道光己酉拔貢官湖南提
刑按察使著有清嘯閣詩集十六卷嶽游艸一卷

紫極宮登寫韻軒

跨虎鍾陵不計年上清淪謫有神仙手抄唐韻人間遍今在蕭
峯縹渺邊

大明湖泛舟

濟南半城多是湖山橫眉黛列城隅鵲華遠映明湖裏天爲東
邦開畫圖

歷下亭

明湖風景佳湖上一亭古挹秀山在望涵虛水可俯憑檻呼小

近代詩鈔

夏獻雲

一

舟相違不數武於今無李邕幾人如杜甫客中作遨游疇是東
道主忽憶新城詩柳條綰萬縷

留別濂溪諸生

自我浮舟十八灘講堂每聽夜泉寒三院側有喧騰萬壑餘哀響

流匯三潮博大觀從望淵源探學海更期滂沛助文瀾鬱孤臺

畔風流共同擷芬芳九畹蘭鍾伯平侍講主陽明書院時過從於鬱孤臺畔

粵游雜詩

炎州火齊照霞鮮勝似丹楓霜後妍學海堂前時一望夕陽山

寺擁紅棉

佛山路入自繁華爛若春雲燦若霞幾度風來人欲醉香聞廿

里素馨花

濂溪

大湖出彭蠡禹迹溯茫茫東匯澤流舊南條水去長松門臨客
路廬阜揖山光我亦隨陽鳥孤飛望帝鄉

南康阻風遂游廬山

瀦溪片帆風吹過落星石忽然風力微我爲游廬客匡君招我
來煙雲若咫尺口吟太白謠脚著謝公屐仰攀霄漢丹俯瞰湖
光碧蒼顏望五老老輩標丰格莫遂仰止心巖扉聊寄迹

招葉哲臣孝廉潛小有洞天納涼並簡歐陽阮齋廣文熙

世界炎蒸苦沸煎清涼位置總由天宦歸容我壺園住風月文
章也有權

巖扉日澹林泉闢石笏雲寒洞壑開若使避囂有同志安排佳
客納涼來

近代詩鈔

戴鈞衡

字存莊號蓉洲安徽桐城人道光己酉舉人有蓉洲集
四月一日歸家三姪煦出文請校作此示之

萬里春殘昨夜風四山吹散雨濛濛暫歸愈覺田園好薄飲歡
呼骨肉同窮賤半生吾未免文章一事汝初通無端執筆生狂
喜轉覺傷心慟若翁

得張亨甫開封書

張衡已入陳留道尙想河梁祖帳開漠漠白雲人北去蕭蕭紅
樹雁南來發書驚喜翻垂淚冀我飛騰愧不才三十飄搖無一
事况逢時難甲兵催

近代詩鈔

孫廷璋

廷璋字蓮士浙江會稽人道光己酉舉人官候選知府
有亢藝堂集

應辟赴五河軍中舟夜不寐作短歌一首卽題日記卷端
食其腐儒合遭罵樊宏書生寧習兵惘惘出門可憐色茫茫對
此無限情西風滿江飄長纓江水爾亦胡不平歸來求得北府
酒醉汝一洗蛟龍腥

從軍五河道經邗上食蟹有作

黃巾十載滿天地江淮殺人血如洗城頭日落胡笳酸旋風如
刀鬼爲厲扁舟獸夜邗江濱湖西賊退無兼旬空涇蘆花泣燐
火斷陂菰米沈寒雲江鄉蕭條那可說獸有霜螯賤如昔老漁

性命賊口餘夜捕西風去餐客書生身手劇可憐豈能殺賊先
諸賢江頭十日風雨惡孤征仗劍心茫然左斫雙螯右持酒臥
看秋星大如斗封侯萬里行焉求一飽其餘復何有將軍今夜
鏟敵圍擊鮮醜酒歡如雷荒江無人霜月白我與諸君遙舉楮

江行遇雨迷不得道泊荒港中

空灘響交蘆遙天墮平楚津亭不辨色孤纜鎖江雨勁寒肅精
魂頑黑警遙語颯然枯炬燼山鬼相爾汝真宰變寥廓萬象入
慘沮平生睡夢事直用堅忍取息倪還吾真雲霽天亦曙開門
見白鷗昨夜宿何許

近代詩鈔

陳澧

澧字蘭甫號東塾廣東番禺人道光口口舉人候選訓
導賞加五品卿銜

題海天琴思圖

人間師弟尋常有難得同時享盛名况復老來重聚首喜從客
裏話平生茫茫大海乘桴意穆穆春風鼓瑟情我亦有琴彈不
得成連去後變秋聲

贈于晦若

桂海奇才出英鋒不可當問年甫終賈讀史似錢王虎氣必騰
上言談宜善藏參天二千尺渾不露文章

感舊

近代詩鈔

陳澧

一

先師程侍郎雄文兼碩儒昔於侍坐間問我讀何書我以漢書對又問讀何如我言性善忘讀過幾如無師言不在記記誦學乃粗豈欲摘雋語以資詞賦歟漢室之興衰班史之規模讀之能識此乃爲握其樞廿年記師說書以置座隅

題潘鴻軒茂才百花卷

拈出五色筆齊開百種花暄之滄海日爛若赤城霞草木誰能狀詩書信有華騷壇推巨手莫認畫師家

秋夜卽事二首

中秋一醉不嫌遲莫負今宵把酒卮人有幽懷愛深夜天將明月答新詩四山雨氣全成水一桁樓陰倒入池野鶴閒鷗都睡了此時清興有誰知

近代詩鈔

劉存仁

字炯甫福建閩縣人道光己酉舉人官甘肅秦州知州有岷雲樓集

石遺室詩話炯甫先生詩多苦語生平際遇坎壈益以骨肉死喪之戚非同無病而呻其詩之可取者卽在此句如餘生有幾猶長別知己無多半九原良朋音問多疎闊久客容顏易老蒼短夢中宵三四起迴腸一日百千思退宦年華驚逝水山齋氣味似叢林已完婚嫁難游嶽除是披緇始入林殆無一歡者

呂口晚泊檢亡弟次泉遺墨愴然有述

飛鳥各投林歸雲暝向夕暮色蒼然至萬樹無情碧

此亡弟次泉赴霞浦

途中句也感此思歸心余季昔行役新詩不成識蔽眼幽明隔烏虜
痛人琴使我蕩精魄人生血肉軀百年如過客過客不肯停俯
仰成陳迹巍巍白鶴峰道王于此我亦經荒驛魂兮倘歸來入夢談
肝膈平生百軸文哀然成巨册緘封付汝兒不忍覩手澤早知
福命薄督課亦何益哀哉無見期元扃閔幽宅我今復遠遊卑
栖豈能擇縱使博升斗汝已丁困厄哀歌發寸心悽愴傷今昔

山城謠戲效韓蘇體

夫役車馬騾駝驢米麥煤炭草料歎日日開門責供應縣官仰
屋長嗟吁縱使縣官牛馬走民窮何處追亡逋山城斗大况寇
亂百里蹂躪無完膚四鄉流亡亟招徠井里大半都荒蕪下官
捧檄甫莅任要使元氣生民扶時艱無補懼曠職嘔盡心血徒
區區六十老翁形對影去家萬里無歡娛哀哉宦味酸且苦五

官並用神爲枯兩餐黃米不得飽翻思櫻筍新開厨公餘長歌
以當哭身世萬變真須臾簿書堆裏日兀兀據案暝坐如據梧
眼前民牧是吾分蚤夜汲汲當求芻與民休息貴鎮靜豈忍再
繪流民圖清明前後當開渠開渠灌溉民其蘇爲民請命達台
憲赤手難効移山愚羹魚飯稻素饒足此邦田賦稱上腴三年
寇亂久荒廢餓殍白骨紛載塗天心悔禍幸有日漢回釋憾無
齟齬狼子野心善反覆防秋將帥休疎虞飛章入告議善後汝
往欽哉帝曰俞桓桓大帥宣上德左右將吏勤走趨繫余新從
幕府來繭絲保障荒城隅絃歌夙慕武城化倉卒難覩澹臺儒
瘡痍滿目尙未復獨力撐拄心煩紆所幸民風頗樸靜積誠冀
可豚魚孚蒲鞭示辱化狙詐導迎善氣相涵濡正愁撫字乏良
策悍卒何敢來詭呼搶掠劫殺日數報

二月十四日連報劫殺
四案十五日軍帥嚴示

不遵者就商販裹足皆畏途死寇死兵禍未厭子黎遭此誠何

地正法辜命官亦有三尺法虐吾民者罪當誅如山執法豈下吏部勒

約束思陰符主兵飽豢若驕子平羅洪廣石嶂三營缺伍已久

縣中客兵咆哮若豪奴令大營來往兵勇不勝騷擾譬如健婦督家

政上堂有姑有祖姑豪奴驕子互詬詈調和內外無良謨吞糠

饜秕苦不足問兒何不肉糜哺無米為炊百拮据口瘡尾譙手

將茶蘭垣音問久阻絕四年十月起文報不通眷口寄寓蘭州

寇災延蔓猶張弧單騎出宰權避地一官跛躄胡為乎夜禽鼓

翼風雨至署鄰禿柳一株亂鴉千百為羣更深月出知啼烏烏

能反哺我不如思鄉血淚雙模糊

蘭寓書來斷炊無計聞靖遠三月失守寄書不達愴然口

號

咫尺天涯路不通傳聞妖焰滿天紅忍心私冀消殘劫待斃焉
能說固窮老淚無聊空簌簌沈憂如醉日夢夢生逢亂世遭多
難敢望循良令德崇

庭前有木槿花十餘株爛若雲錦晨起凭欄吟眺若不勝
情悄然生感土人稱為將離花其實將離乃芍藥非薜
英也惜其朝開暮落楚楚可憐隸人採以供饌揉紅狼
籍呵禁之不能止傷其不得地也八疊前韻

娟娟木槿花天漿傾露汁攀條摘其英曉霧沾衣溼荏弱不勝
情國色難再得汝性太聰明朝華何徧急我欲鑿方池配以綠
頭鴨山薌舞一曲麗彩映羅幕籠煙沈香魂斷霞散餘赤此福
未易銷芳心愴貞白霧眼懶看花禿鬢羞簪幘移根到滄海江總

木槿句寄滄海但見花神泣鍊出有情天無石補其缺南方無牡丹

近代詩鈔

劉存仁

三

標名始謝客

見牡丹之名始謝康樂

切莫混將離細檢羣芳集

雨中題觀物園贈雪樵

雪翁涵養是吾師習靜忘機事事宜扶杖暫留綦履跡上牆互
寫唱酬詩二分梅竹三分石一面籬笆半面池更築危亭看晚
照坐收山翠沁心脾

漳浦道中

嶺路何巖峻

謂九十九峯

山容醜更奇懸崖飛瀑下

水磨嶺石

獨木

斷橋支寂寞孤臣塚

北門外二里許為黃忠端公墓

模糊帝子碑

道旁有宋帝

津梁吾已倦禪榻續新詩

夜宿木菴

廿九日待旦作

朗月清風不費錢流光孤負亦徒然養花天意濃於酒飛絮光
陰輒若棉春到貧家原不冷人歸病後總疑仙飯餘行藥談前

夢莫道歡娛句未妍

近代詩鈔

尹耕雲

字杏農江蘇桃源人道光庚戌進士官監察御史道銜
有學求有用齋詩藁

哀獨流

疊山子孫有奇節獨流誓師日毗裂天愁風慘日西匿羣鬼猖
獠喫人血齷使總戎各灰色躍馬踰溝手搏賊獄中死囚劉繼
得勇氣咆哮一當百一日身親數十戰誓掃黑山馘飛燕宰相
棄甲臨洺關保障京師天津縣仲冬之月日在子大帥潛行出
營壘壞雲四壓礮聲起佟將軍馬蹶於水謝尹身翼佟將軍要
害七創與俱死

近代詩鈔

楊彝珍

原名彝字季涵一字性農湖南武陵人道光庚戌進士
由庶吉士改官兵部主事有紫霞山館詩鈔

移居

方溪有棄壤久爲蓬蒿柱我來理豐蕪規以安室宇我室敢求
華家世本環堵突兀出眼前四鄰助舉杵青山不待招羅列滿
庭戶流泉來嶺背繞砌翻花乳幸卜林塘幽足息風塵苦
憶我二老人敝廬棲多載屋漏無乾處兩脚長灑灑一夕或數
遷亟謀更爽塏仰屋竊浩歎有願付東海山風攪落木燧火久
鑽改崢嶸見新構拊心滋痛悔渠渠嗟已遲我思何能解
入室悄且清泫然念疇曩草色不可除並吟倚書幌鄰惱鵝鴨

聲戶宵蟪蛄網虛廊不盈尺游塵厚踰丈永掃賀燕迹徒結飛
翬想何意兩瓊黃先後赴泉壤堂啟雨聲新窗受月容廣不見
昔時人含悽獨偃仰

廿載客諸侯衰顏成老醜晚逐承明趨踏跼百寮後亟欲返耕
桑重感主恩厚濡遲及三載還逐曹郎走豈能效涓埃徒愧廩
紅朽歸田不再計我龜決已久一笑投我簪歡迎到雞狗

涼秋八九月言陟林北岡南望嶽山麓已爲戎馬場鼙鼓動地
震烽火連山長人民盡流離各走天一方慷慨集閭里醜酒椎
牛羊纒鋤抵利兵安用驚蒼黃東扼蒼水驛北控黃茅鄉飛鳥
難踰越守望成金湯

賊行詭如蛾東奔勢靡靡旌旗遠明滅違我百里徙墟落幸依
然差免生荆杞豈是哀空村得無畏老子村叟携榼至勞問相

歡喜朝廷將廉頗謂江岷兵革行當已永與把鋤犁悠悠共鄰
里

賊退示鄰里

甲寅夏五月望賊寇吾郡覆其城據之縱黨四掠深入
山中二百餘里居民匪開門迎揖卽徒手就縛無一敢
與之爲難者予亟帥里之壯者三百人兩擒賊謀殺之
賊遂相戒不可犯我故自敝村以往三十里皆免於禍
及賊退因作詩六章以示鄰里

大湖亘南北瀕洞風塵昏夏潦漲兵氣波血沅清門人民盡走
竄彌野皆雞豚兒女擲路歧慟哭蒼松根百里絕炊煙悄然惟
空村誰與拊雄劍不望烟塵奔

迢迢漢壽城控帶莽千里據險列戰格連雲猶可倚何爲寇長

驅不勞折馬箠得非邦伯輩束手甘駢死我欲參前箸語出輒
不喜哀哉酒肉臭恣啖豺與豕

陽陽擁名妓挾瑟升高堂手揮珊瑚枝起舞如風狂朱戶摧爲
薪破盜流酒漿壯少盡係累被驅如羣羊少妻處帷闥沉痛煎
中腸摩笄明寸心白日寒無光

賊黨肆剽掠四野無安堵開門迎且指引勞進酒脯偶然觸嗔
怒袒背受捶楚曲跽奉餅金哀禱泣如雨豈難制侵陵其曹不
什伍嗟彼千家村胡不戒桴鼓

我怒欲生瘦饜士椎牛羊矛戟儼林立環列如堵墻搜原獲間
謀竿首植道旁賊膽寒已落逋死走且僵輦金掠畜馬四部無
乘黃我駒猶騰廐且齧秋草長

賊衆靡且散我閣當落成置酒觴鄰里相與慶更生卻賊豈我

力萬死愧深情薪木無毀傷庭芝尤敷榮四望華屋高盡與山
邱平酒罷共太息有淚紛縱橫

和淵明九月中於西田穫早稻韻

八口日繁益衣食浩多端曹入廩官粟得飽不自安浩然投紱
歸人作田夫觀晨隨飛鳥出暮帶歸牛還巾炙日氣暖衣清溪
光寒老始習勤動稍與親艱難終歲得無飢於人何所干早霜
下木葉彌望皆秋顏歲功行已休風厲當閉關惟聞鴻雁哀不
免興愁嘆

酬薛曉颿大令見贈之作

寇過驚魂蘇安然欣出坎痛定遂遺忘得詩重嗟感犀兕空有
皮只投豺虎啖健兒負身手走匿亡其膽死徙交屬途獨我堅
不撼但能胄忠信何畏戎兵憐如其有不虞死甘埋坎窞以茲

歌不輟飽取藜羹糝山妻亦知命誓死守牀毯稚兒負戈出入
還親鉛槧門外半畝塘綠蒲間紫菡晚涼閒洗馬雨過香風淡
人皆苦集蓼我獨甘食糲側聞賢使君能舒瘵邑慘山岷奉條
教爭美毳衣萊城小賊豈憐畏子實不敢蒼然黑頭公謂滌生
侍郎
竭來成燕頷擁兵將東征千里歸運覽參苓久在籠大令出侍
郎門下
當作幹楨攬行與布嘉惠乾坤洗愁黥

撫屏顧予山中用前韻示之

我老投榛菅深棲避世坎全身鋒鏑餘蒼茫集百感虛名究何
益畫餅不可噉徒然腹百怪輪困張詩膽橫遭蝮涎嘲漫受虺
蜉撼率然子造門解我憂心慙趨迎幾折足喜躍忘坎窞山中
寡兼味飯子惟藜糝老妻羞出拜空設後堂毯諸兒與析疑一
燈照鉛槧霜風卷陂澤已無蒲與菡緬然共游日頗愛冬容淡

世情皆嚼蠟道味無食糲歲晏從所息何畏冰霜慘江湖亦可
隱彌地多葭菼仰視北辰高偃蹇殊不敢狂喙吐三尺子聞得
無領八荒在階闥隱几臥可覽一身苟不治斧柯焉能擘長歌
梁父吟愁對元雲黥

近代詩鈔

孫衣言

衣言字琴西浙江瑞安人道光庚戌進士官至太僕寺卿有遜學齋集

石遺室詩話琴西年丈與曲園先生皆出春浦相國門下丈五言古步武六朝下逮王孟七言古則宋響矣七言律似欲以使事見長

短歌贈汪孟慈員外

喜孫

藏書十萬卷不能療朝飢仕宦二十年妻孥猶舖糜日種梅花夜讀史世閒賢者寧有此汪侯汪侯勿復愁榮華富貴東流水

張亨甫

際亮

武昌書來賦此寄富余與亨甫尙未見也

先生隻帆黃鶴津懷人卻向長安塵長安六月熱炙骨且讀君

近代詩鈔

孫衣言

詩涼欲雪平生不識元紫芝懷中喜有清風詩白雲千里未得
報長安木落風颺颺君也風塵東西走我亦土牛落人後今君
合返黃華峯我尙異鄉愁飄蓬寄書答君秋復冬到時已有南
來鴻

江亭醉歌呈黃樹齋先生

城南樹綠風吹衣江亭高與城頭齊新鶯稚燕亂窺客驕駟脫
銜相向嘶十日楊花吹作雪坐卷珠簾欲愁絕卻思萬事殊等
閒春風動地金杯寬眼前有酒竟須醉醉即拄笏看西山

王少鶴戶部

錫振

招飲沮雪不能出城卻寄一首并奉濂

甫

仰承君子招蓄念慰疇昔况聞羣妙萃一得罄心跡昨來雨雪
過林端尙餘滴坐畏車馬勞遂令憂思積閒庭飛鳥還城闕遠

鐘夕

招王少鶴

綠槐萍合城南隅王郎不見今何如平生作詩頗愛我苦謂膚
痂如鯁魚我今有作畏示人恐犯世議生齟齬近者病暑新出
城日日子由同聽雨犀首無事如能來更折池荷薦清醕

題董仲常先生

游

詩後兼悼項雁湖母舅

壽

羅陽江上流水怒出石壁鑿天攢萬山人少乃多石先生始得
名壇坵號詞伯同鄉數老翁文字嘗接席時聞誦公詩大叫頭
脫幘我童騃無知在旁目屢覘稍長耳尤熟但未識顏色老矣
猶遠遊半世諸侯客蛇年月在辰我玷學官籍侍郎校文字
生先多士集如鯽公始沅湘歸慰我客中覲矯然蒼松姿談笑雄
無敵自云齒牙衰我惜須鬢白頗思獻所能未語顏已赤中止

心然疑有懷終未釋逡巡走京師遂與鄉縣隔客居有奇逢公
子來我卽郡邸同宵鐙坐語且連夕乘閒諮起居步健尙善食
黃緣得公詩沙水獻丹碧長安富王侯冠蓋日騰歛郎君來求
官旅食翻困迫行車遂載脂別袖挽何獲依依國西門秋葉盈
巷陌離魂久未蘇驚問來何亟遂聞先生亡少微就斂匿諸子
我所知何術謀窳窳懷才死屯遭天意良難測益悲故鄉舊文
采漸衰息邇來三四年往往喪耄碩我舅雁湖翁賢人實同厄
往嘗讀其詩陶韋不疏遜衡下歌衛風蠱上用周易平生寡交
游與公轉莫逆一老守遺書俗眼不肯識一窮走四方曾未展
寸尺老成仍凋亡後生日淪惑深宵披遺文涼月淒半壁卻念
垂姓名豈皆在竹帛甫白兩荒涼文章今猶烈我觀二公詩亦
豈媿古昔後人知皆賢隻字要當惜

召伯舟中戲述

揚州四月大麥熟田家割麥兼插田新秧刺水綠針出東風拂
拂鋪碧擅舟子舍舟歸踏車不知風利堪帆船有女赤腳豈其
妻短歌相和復笑謹鳴鉦日暮車益急湖頭但作虹飲川此邦
沃饒情可憐安得力作如汝賢我當爲汝祈皇天永無旱潦長
豐年

爲人題圖

山閒有竹有屋廬胡人鬚立松兩株冷楓霜染紛丹朱夕陽墮
地明室隅前有青草不忍除非蕢棗蔬其荃蒲草頭來啄孤鶴
雛馴不避人如鴨鳧彼何人斯斯安居年四十餘鬢鬢鬚一童
掃地能走趨一僮抱琴來于于漆紋腹斷蛇齟齬囊之不彈有
所須烏皮几與茗盃俱無事且讀人閒書人不能知聊自娛廣

陵徐卿

贊萊善峰

示我圖令我不樂思江湖

至揚州與仙屏別

扁舟下長河乍見遂成故日日落檣帆對我誦奇句三宿竹西
亭離愁挂煙樹客行各思歸安得同征路金山塔鈴聲明且當
早渡君亦泝江舟潯陽更西去匡山五老峰昔人讀書處知君
能相思蒼蒼向煙霧

初入史館作

四門談史輒色變今者遷固何其多上堂朱墨坐雲霧左史右
史肩相摩太倉食米盡十斛便許校書入天祿承明職司令我
慚或有下士守寂寞大師祭酒稱老儒奮筆似學東家書豈無
缺陋襲訛謬氣嚴不受人支吾姬公生知造周禮吐哺朝見七
十士神堯拱默臣予知嗟嗟此風何日始

六月二十一日歐陽公生日同人集祀林穎叔工部

壽圖

齋中分韻得蒼字二首

宋亡六百載畫像臨此堂生晚各相慕百拜羅酒漿歐公三十
七諫府十拜章已欲佐韓富康國綏西疆今也二三子並仕年
各強我官雜卜祝諸君或曹郎有言不能發負此雙鬢蒼
治平初卽阼光獻垂衣裳歐公蹶始起輒正國論狂回首旋罷
去氣節今堂堂丈夫或得志偉軀須髯蒼入朝置几杖談經傳
先王相戒說溫室哀哉漢孔光

與小鶴穎叔飲湖上樓賦此索和

高樓正對明湖水倒影垂楊散蒼翠雨餘洗出西山青眉黛吳
娘澹相媚數旬不共酒盃春樓中風物眼中人但捲珠簾向湖
淥令人愁憶六街塵

近代詩鈔

孫衣言

四

義馬圖沈朗亭前輩兆霖索題

昔誰騎此胡青驄營門追賊與賊逢直前奔敵逸絕蹤有來賊
徒浩呼洶青絲絡頭牽邁邁絆之不動百不從奇哉乃以敗為
功或有追者以戈搯與馬俱獲首帕紅還歸伏首馴羈籠平沙
淺草楊柳風紅絲窳地桃花駿兀立堵牆何從容疆場回首忘
其忠棘門霸上紛羣公或坐而食千夫雄以城餽賊前後同甚
者拜屈如僕傭嗟哉愧此圖中龍

庭中海棠盛開久之未得一詩適穎叔以大樹菴看海棠

詩見示即次其韻

猩脣點絳猶緘封已有消息傳黃蜂東風換眼枝枝紅十斛不
索臙脂供明妃宮粉非蒿蓬夢雲來自巫山峯畫圖延壽愁國
工鸞枝簇簇開墻東新妝百巧爭春濃彼真俗艷此天人縱以

貌學神匪同恨我四十成老翁鬢毛入鏡羞龍鍾錦衣玉貌坐
多感洞房華屋猶奇逢有花莫教金尊空十千買醉思新豐明
日嬌紅變淡白能來相賞君無慵

庭前白丁香花亦甚盛復疊前韻

繁花乍坼綠萼封幽姿慘澹無蜨蜂丁香看白不看紅膽瓶雪
色瑤枝供世閒凡豔春蓬蓬老梅魂返孤山峰不復渲染須春
工海棠國色墻西東此能淡妝彼能濃五家作隊如錦繡八姨
舉止人難同作詩昔年愁黃翁花時往往違金鍾我亦看花始

此度文君少寡驚初逢

余所居即左田先生食筍齋營有詩言
海棠丁香開時適以官事他往予居此

二年去歲花開
時亦適在園中

狂風三日聲捲空花事猶喜今年豐連日風狂

無恙莫待瑤階散繁雪勤烹茗扶春慵

昨日少和來見瓶
香花以爲白丁香素艷

似少年整亦妙喻
也故以文君况之

烟甫大令來與穎叔少鶴同飲得墅字

與君相望隔城櫓半年不見燕視楚黃塵赤日相炊煮閉門畏
出如畏虎林侯王子成儔侶文字避人各矜許有時無事默獨
處高篁瘦石聊爾汝園林萬木秋所貯新蟬曳絲出機杼菡萏
曉妝媚湖渚日月開門翫處女東風自來高蓋舞異香入鼻薰
藏府此時頗復思君語果得君來匪所佇王子居作柁樓俯西
山日落蒸炬火林侯小齋較幽阻酒盃四人復對舉樹頭白日
拓強弩雲裏清光吞更吐盡收水色入窗戶但欠漁歌和撓艣
大魚灑灑忘刀俎老蠲呼應鳴鼙鼓草蟲撲鏡爾良苦細視才
能具翅股眼前擾攘那復覩醉後狂談聊有取夜深月落客歸
墅重露墮林如過雨

池荷大開而食筍齋後特盛九疊前韻

官居種花如分封往往偷采訶鄰蜂食筍齋邊萬柄紅荷花獨
爲老眼供亭亭不復知葭蓬嬌雲四面青千峰水妃亦惜裳衣
工環湖以西樂池東平鋪蓋盡明鏡濃詩人看花走語我此間
第一餘難同亭前輩云今年池中 昨朝黃衫來仙翁何子貞
看此花對花與誰浮千鍾紅雲擎水翠葉風此語韓後不可逢貞子
詩嬌雲擊水紅映空 我惟好色未能空大隄士女爭嬌豐作詩
贈花索花語遣誰屬和能無慵

十月十七日陸放翁生日與少鶴穎叔集祀食筍齋會者

沈朗亭侍郎潘伯寅學士張怡琴前輩曾樞元同年

放翁飲如長河傾一生尤喜言蜀行海棠花國日縱酒往往巨
瓶隨長罌酒酣脫帽復大叫醉態不畏常兒驚是豈此翁真放
浪要自憂國心崢嶸食筍齋頭詩巢像七百餘載猶平生更得

賓客助談笑但恨盜賊纏吳荆宣和割裂五十載有志尙欲清
秦京江城狐兔那足戮行埽窟穴誅孤嬰高才諸子各清祕詠
歌他日宜昇平我生視翁欠豪飲但有詩句猶縱橫當筵爲翁
作豪語燭花一尺翁來聽

喜雪長歌是日適聞瓜洲之捷十一月二十日也

先生睡起窗吟風天街不聞車隆隆但聞童奴起掃地又云雪
壓竹兩叢先生躍起窺瑣窗猶疑曉月光瞳矐交花舞玉來未
已我亦吃吃如田翁臘前三白主大熟有田乃在甌越東前年
去年冬無雪蝮蝮生翼如蟻蠓大錢十枚買炊餅或愛頑鐵嫌
青銅今朝自天雨黍粟復驅瘟癘歸消融聖人昨日始下詔三
王祈雪趨虔恭天香篤耨猶未降今日發大藏香下精誠默祝
天已通何況憑江殪巨盜捷書夜報清晝同自誇鑿窟聚蛇蝎

豈知入地隨蝻蟲鎮江金陵唾可得秀泉阿旺戈當春書生黃
挂已粲爛將軍茅土行侯公天心佑助爾何蠢後降者戮前者
封吳民脫絳謀冬種壯士卷甲歸春農十日一雨五日風產祥
生暇無時窮聖人惕厲猶雍宮大臣可否無阿容先生侍書真
無功作詩但能歌咸豐

前湖荷花盛甚戲作長歌貽伯寅學士

澂懷官湖三日雨滿目荷花相向吐平鋪綠葉千盤盂高出紅
葩萬火炬去年屋後花最繁路上行人驚未睹今年爭向門前
開食筍高齋無煩暑蓬瀛天上我未知若論人間鮮比伍侍郎

前朝亭

看花屢嗟稱謂此有祥非漫與我謂此乃易知耳花亦與

人爲儔侶長安塵土紛相驅此間賓主清可數雖然學問非時
須每有文章可千古花亦以此爲寵嘉作意與人相矜許譬若

奇材遇時見不然低抑避讒沮妙年學士湖西居東望吾居蓋
百武一門正對仙雲開八窗洞向明鏡俯朝回下馬輒相尋每
對荷花隔花語平生頗恨讀書多論事已遭俗子侮不如日看
門前花更拗蓮笛酌清醕

爲祁實甫相國題食筍齋圖

圖爲園廬真景嘉慶庚辰黃勤敏公三子寸園足民爲

其弟殖園富民作道光丁亥實甫先生移居此齋殖園

以圖移贈先生題詩幀尾寸園和之勤敏公復和之書

齋諸前輩和者殆徧予將出守安慶先生以予亦居是

齋復命次韻

門內清陰立叢筍門外仙雲照花朶六時花鳥交窗前萬卷圖
書樓榻左看竹惟嗟昔人非隔牆但對西山坐人言上界官如

仙豈識天街風揚堞穀城石化不知年晉祠久已思歸舸搏沙
聚散更無常我今又亦辭青瑣眼前花竹皆離愁幸有畫圖留
前果卻思萬事本隨緣誰信一官真謫墮臥治長孺雖未能偕
隱公麟何不可新詩吟罷復茫然歲月如飛車轉輾他日披圖
猶視今當時有竹尙無我黃勤敏公以嘉慶甲戌種
竹齋中而余以嘉慶乙亥生

次韻春浦相國慈仁寺古柏古槐

閒官無事日縱酒城南車馬朋四三慈仁古松人所羨猶憶並
轡窺精藍松間席地拾松子坐中一叟如彭聃謂見香歐陽門
下閱七載至今纔得親笑談相國爲余庚戌讀
卷師而今始相識柏槐新詩復示

我展卷蕭颯長風含句奇語卓見天骨人間蒲柳知難堪卻思
枝幹撐雲出知有雷雨當春酣丞相祠堂氣浩浩商山眉鬢風
毵毵我昔看松不及此爲名所震心懷慚廟堂梁棟終有用風

塵巖壑今所甘新恩治郡臨淮南行色悽惘憐飛驂彈琴和詩
恐無暇賞奇愛古情猶貪知公未老能相待他日拄杖隨禪菴
將之皖省予婦攜涵兒旋女先歸與別于江上因爲詩二
章令其持呈大人兼示仲弟

去家垂七年雙親日衰白我弟使車歸亦已十載隔誰謂天倫
歡相沮在咫尺大江自南來青山紛重積此中有歸路何苦愛
官職讀書三十年立朝無奇策猶當康遺民稍稍拯飢溺雖然
疲敝餘兵老復乏食治匪空言爲欲爲況未得我行亦速歸此
別不足惜

舟沮夏次時安徽軍士李某陶某以大帥旗來導行遂乘
夜抵江口陶李皆滁州新歸正人嘉其意作此贈之

我昨停舟在夏次冬深水涸船底高舟人束手坐無策乃有二

士李與陶大帥虎旗來導我船頭拂拂開雙旄十年儒官笑寒
乞一朝俗吏偏雄豪二士前行手指揮漁翁估客皆藏逃此意
洵美我所愧恨無大肉澆醇醪乃云民等居州部來迎太守匪
爲勞我聞二士新自拔愛禮識義如吾曹固知無人甘作賊常
時逼迫由官饗壯夫報國貴有志將相無種惟所遭自來太守
稱郡將況我投筆從弓刀二士見愛更從我爲國滅賊清江濤

括溪舟中

放棹永嘉郭江煙雁影漫客行初水驛鄉思已雲端木落明樵
路潮來失釣灘片帆何處宿星斗夜闌干

遊頤園

昨日過微雨林深此納涼山光開牖戶清氣在池塘伏蛤鳴新
溜殘荷發舊香釣師磐石上意外見江鄉

望月憶二弟京師三弟杭州

此夜團欒月流輝照倚闌細分叢桂朗徐度絳河寒院閣金莖
近湖樓玉笛殘遙知千里思相向碧雲端

弔黃樹齋先生二首

陶然亭閣出城隈車馬從公屢往來野水蘆風生小扇西山煙
翠落深盃如何鄴下徐劉逝謂筠潭海更動山陽向呂哀天壤
黃墟無足怪崖州涕淚是憐才

寄呈薦主蔣申甫先生琦純陝西卽用先生寄霞舫侍御

詩韻

聞將六郡良家子坐固蒲津河上城秦地山川宜用武軍中韓
范況能兵頑民日闕惟求食儒者謀深不近名直與雄關成重

鎮雞聲繻傳看平行

時先生駐
兵大慶關

雜興八首次邃菴先生韻

銖衣綵服戲瑤京金母秋霜畏後生寶霧樓臺迷閣道春風笑
語下曾城從容鈿蜨三千輩淒黯銀蟾十二營莫悵令威舊鄉
國鈞天夜夜奏昇平

東皇鞭轡已天涯紫燕黃鶯尙笑譁雲外青榆飛玉莢泥中翠
薤失銀沙落花庭院愁蜂股濯錦江城畏虎牙猶有金錢戲拋
擲六坊韋杜碧駟車

蓬萊員嶠入雲低漢主求仙厭鼓鼙滄海風船迷咫尺帛書方
士走燕齊久無消息來青鳥聞有波濤駕巨鯢五百童男徐福
去桃花閒殺武陵谿

西風霜隼下平臯大野塵埃洒羽毛九尾狐狸留穴在一城灌
莽入雲高餘威朽革今何在逐肉金丸昔偶逃紫鳳欲來黃雀

賀太行秋靜碧周遭

濤瀧秋老劇風雷炎微紅雲鬱未開五色粵禽含毒霧千年文
蜃起曾臺珊瑚寶樹春誰採葦苳明珠寂不來況道夜郎遮漢
使碧雞金馬是奇才

巫山巫峽碧迴環杜若汀洲縹緲間斑竹歌聲淒楚岸木蘭舟
檝動湘山靈旗昔逐江妃去玉珮新隨漢女還努力東風送芳
馥當年九虎扼天關

佳人玉貌鬢雲青回首漁陽戰血腥秘枕丹砂分蜥蜴上陽秋
草黯流螢已成溝水東西恨空盼天街牛女星試把金鈿尋舊
事當時夜語有誰聽

上清桂府赤螭蟠寶帶明犀不避寒雲裏玉笙時縹緲月中仙
斧太艱難癡龍自守鄉媛册玉鳳頻除碧落官手掬琳腴殊未

咽紫皇宮闕浩漫漫

何子貞前輩見訪予適未下直卻柬

錦里先生來呼門癡兒走避僕僮喧能隨鷗鷺尋花竹苦憶嘲
詼接笑言萬里詩篇攜蜀棧幾人鸞鳳共清尊鷄棲騎馬歸偏
晚獨對荷盤數雨痕

江陰夏怡雲以詩見投次韻爲答

十年倦聽禁林珂卻對除書憶玉坡四海方愁豺虎滿扁舟偶
愛水雲多延陵俗在能看客務觀衰來欲荷戈他日滁山還訪
我尊前花鳥待君歌

在江陰十日將由蘇而皖別蓮塘座主及何大令

扁舟十日此江干客淚風前不敢彈已愧顏回隨驥尾更勞安
邑致豬肝逢人縞紵緣非淺滿地烽煙別最難此去吳雲迷楚

樹各憑書札報平安

至明光無可棲止在空舍中一宿而行

叩戶求依止相看若未聞不知貧太守恐似故將軍鴻雁無安宅豺狼有輩羣雞棲語童僕從宦復何云

近代詩鈔

俞樾

樾字蔭甫號曲園浙江德清人道光庚戌進士官翰林院編修有春在堂詩編

石遺室詩話曲園性情文字甚似其鄉先輩隨園所異者隨園好色曲園好攷據耳詩如江面石如人磊落磯邊鷺似客平安小時了了真堪羨元箸超超本不同頗參遷史三分潔也學郊詩一味寒脚下不借雙草鞵頭上夫須一臺笠皆對句之工者

齊物詩

茫茫滄海幾生塵世事何勞苦認真仙佛終須隨劫盡蚊虻也得逐年新

近代詩鈔

俞樾

一

萬人如海浩無邊身作飄飄不繫船相守百年都是夢偶同一飯莫非緣

休將憔悴感生平眼底榮枯頗不驚萬蠟高燒終是夜一燈孤對也能明

莫與癡人細較量吾生何處不徜徉出門一步便爲遠作客十年未是長

呼馬呼牛總此身悠悠俗論未爲真周公也有流言日盜跖非無慕義人

忘機底事更疑猜私智難將造化推麟出何嘗皆是瑞蟻生亦或不爲災

覆雨翻雲幻蜃樓人生何處說恩讎戲場亦有真歌泣骨肉非無假應酬

讀經偶得

天地一巨物有始必有終一十二萬年何異水流東水流不復返聖人憂其窮故以一需卦繼彼屯與蒙需有待之義勿遽言擴充土處苟未病何必深其宮腥食苟未厭何必尸其饗此義誰知之知者惟義農故其治天下不求赫赫功生不知不識死不樹不封文章與禮樂不及後世工人謂大缺陷我謂真英雄不飲過量酒不彎滿石弓惟其有未至是以可加隆極盛無以加必至大亂從月盈魄已見陽盛陰已鍾一日之有夜一年之有冬不留其有餘天地無以供所以魯兩生無取叔孫通

六經皆可註不可註者詩詩人化爲土千古存其辭其辭雖可讀其義不可思卽如谷風篇云是棄婦爲而婦見棄故孔子不必知今欲求其解豈可空言治涇渭何所指方舟何所施必其

家庭事瑣屑皆得之而後此詩義明白無所疑不然詩雖存詩義終支離

論語首學而其教先自治繼之以爲政而後論所施孟子則不然所重在救時知言與養氣姑弗遽及斯先載齊與梁兩君問答詞其於本末間似乎到置之尼山與鄒嶧同爲萬世師何敢妄擬議願爲深長思

孟子游齊梁初不言井田及遇滕世子始以此告焉故知井田者一壞不復全齊梁兩大國壤地逾數千豈能細擘畫使如三代前滕則蕞爾國小若彈丸圓地近制易及人少法易傳姑爲小試之聊使根本堅介於齊楚間或可旦夕延要其論王政豈在此芟芟後世大一統地盡垓與埏而去聖人世則又千百年張子雖大儒未若孟子賢乃謂治天下必以此爲先世雖不吾

信吾志終弗遷行當與學者共買地一阡畫之使爲井八家相鉤連家塾夜橫經鄉飲朝開筵使知古可復所苦惟無權吾昔讀至此未敢信其然一鄉與天下相去猶天淵不見王荆公新法手自編施之於鄆縣鄆縣稱其便施之於天下天下攻其偏

繹夫行

扁舟搖搖向西去大風滾滾從西來千搖萬兀不得上一繩力挽聲如雷繹夫數輩負繩立驚濤濺衣衣盡溼脚下不借雙草鞋頭上夫須一臺笠曉日初出雞子黃蓬蓬飯飽起束裝江面羣鳧去活潑山頭衆蟻行微茫爾其王濬水中龍爾其敖曹地上虎萬丈長牽繫日繩百鈞重挽射潮弩冥濛霧氣山難分天風吹面面欲鞞安得仙家百花橋陵空直上如梯雲

入徽河後四面皆山蒼翠萬狀復值雪後真奇觀也偶拈

大好二字爲韻作詩二首

昨夜灘聲中一枕恣酣臥曉聞邪許誼遙知險已過平生看山癖不受寒威挫船頭風雪中久坐竟忘情愛此萬疊山似倩巧匠作一峯輕如飛一峯重如馱一峯坐如倨一峯拜如爨偃蓋松千盤重臺蓮一座我舟隨之轉迴環蟻走磨更喜山岬間雪花夜來大深處已白描淺處尙紫邏當作畫圖看會使客愁破自發錢唐江山山無不好憶從去年來眼界頗一飽今來此地看前者盡與阜山下有人家完固類新造蠣殼嵌窗明蜃灰塗壁燥吾聞山中田種麥勝種稻土厚雨不傷泉深旱不槁春山剝竹胎秋山鬪蕨腦際此雪晴初縛帚定已掃樂哉此中人何異住蓬島倘能來卜居豈不愜素抱無如朔風吹催上長安道

舟中三君子詩

三君子者舵也篙也繹也一之不具則無以行余嘉其爲用不同而同力以濟有君子之德爲賦三君子詩若帆之功出於天幸正如小人因時立功或有過於君子時去卽委之去矣故不列云

舵

路當平處能持重勢到窮時妙轉移只惜功多人不見艱難惟有後人知

篙

深山風雪鍊奇材入世偏工挽與推指點教人深處去支持出我險中來

繹

挽起茫茫旣倒瀾旁人誤作繫援看但誇直上扶搖易那識居

近代詩鈔

俞樾

四

高汲引難

雨夜作

秋來一夜雨頗喜涼意足那知多田翁正待曬新穀乃歎世間
事未可以我卜同乎我所遭異乎我所欲而况天地間茫茫萬
億族杜鵑望北飛鷓鴣向南宿鷺沒鳧則浮羊羣狗則獨倮蟲
吾同類而意各有屬難將一人心入此衆人腹不如置勿問問
亦弗我告陸雲笑其笑阮籍哭其哭

戊申春日發錢唐江舟子焚香祀神余適有感亦捐而致

詞

我於癸卯秋呼舟始過此聽水夜遲眠看雲晨早起江山如有
知此時定我喜及我再來游怱怱迫歲杪眼底新安山夢裏長
安道江山如有知此時定我笑長安居不易重趁江邊船幼安

仍白帽子敬猶青氈江山如有知此時定我憐而今年復年蕭
然此書劍徒添三斗塵已短二丈燄江山如有知此時定我厭
傴僂捐江神爲我語古人有宋謝晞髮有唐方補脣雲巢舊約
在吾豈終風塵作年築屋名雲巢余初過七里瀧時句也

爲友人題茗溪漁隱圖

餘不溪邊舊有亭十年拋卻種魚經何當共泛扁舟去飽喫清

明一點青

一點青乃吾鄉魚名也

佛日龍居紀游各一首

暮春天氣佳扁舟游佛日水窮山逾深村僻路更仄蒼髯百尺
高玉槩千株密泉從鳥下流雲自袖中出有亭翼然起招客於
此息四面羅巒屹一泓湛明瑟疊石成危橋因山開淨域高登
楞嚴臺小坐維摩室雀舌茶初焙貓頭筍乍茁且共飽伊蒲無

須參米汁飯罷坐門前披襟更岸幘投石破清冷攝衣走劣崩
黃鶴不復歸山下舊樓有白日俄已昃遙指龍居山游事固未畢

既辭佛日寺爰至龍居山入山未及半一亭當其間松徑走曲
曲竹筧流潺潺不嫌石犖确但喜山迴環雲中兩鴟吻林裏千
螺鬢崎嶇逐樵跡剝啄敲禪關新葉已可翫繁花猶未刪坐久
佛無語興盡我亦還笑叱田中犢驚吠花閒獮山花採躑躅山
鳥聽緜蠻何意浮生內有此半日閒但惜游未足安知時方艱
入林志已決買山資猶慳題詩枯木堂猿鶴無相訕

與王補帆同年凱泰南下窪子散步

酒座歌場處處豪偏將野興寄林皋亂墳多鬼人稀到古寺無
僧犬獨嗥自覺閒身宜此地天教冷趣屬吾曹明朝吏部門前
去又染緇塵到敝袍

京察人員例于吏部唱名而翰詹衙門實無到者是日院吏來告故戲及之

平泉舅氏寄示自嘲一首因次韻奉酬亦以自嘲

一官忝玉堂屢踏東華土移家日下居城南天尺五羣謂列清
班容易紆華組誰知毛生錐依舊囊中處方今聖人世玉燭調
四序如何兩階前猶未舞干羽諸君駕輜軒方將祭纍祖乃聞
疆吏言東南無定宇暫停賓興筵軍門聽鼙鼓時因軍興停吾

黨二三子困守伯通廡報國僅文章未足資禦侮官冷我亦冷
蕭然如太古僮僕有怨言其言藏腹肚曰自從爾來冬寒夏暑
雨衣有卅年裘食無四升簋不知竟何得無乃徒自苦主人微
聞之一笑而不語不見吳楚間烽火照洲渚生民罹此虐流離
那可數黃河天上來勢欲傾底柱側聞中州地滾滾魚龍舞吾
耕既無田吾隱又無墅四方既靡騁歸歎計又阻避世金馬門
是亦得吾所囊中有俸錢一可當什伍時當五行大錢十官米新且潔

猶足人一舖

春季

處支

俸米

從甚

佳探

舊雨時往來相對無齟齬興到吟

一詩亦足寫情緒何必泣牛衣沾沾學兒女

周容齋先生

爾埔

工書善談因耳重聽談輒以筆每過余

談必以管城子楮先生將命焉因以詩贈之

昔聞米襄陽筆硯不釋手坡公海外歸盛名動山斗米時知睢
州遣使迎馬首坡亦欣然來兩賢共尊酒賓主各一几筆硯無
不有列紙數十番高可齊戶牖談諧興既酣觴咏時更久二公
俱命筆紙上雲煙走無何紙亦盡各付奚奴負相易而持歸詫
歎謂非偶蘇米書中豪名壓唐顏柳偶然此遊戲勝事遂不朽
文采興風流照耀千載後先生今東坡雲夢胸八九時時從我
談能以筆爲口大書舞龍蛇小字摹蝌蚪我亦手握管相對顏
忸怩秋蚓與春蛇落紙字字醜客是蘇子瞻只惜主人否

余自大梁歸因故里無家寄居吳市率成一律寄日下諸

故人

故里慙無一畝宮浮家依舊似飛蓬浪傳梅福成仙尉竊比梁
鴻作寓公食字生涯還是蠹寄居蹤跡竟如蟲雲霄舊友休相
問已作江東老阿蒙

嘉平二十日移居經史巷

泛宅浮家任所如偶來吳下卜新居敢爭子美滄浪席且讀天
隨笠澤書朝籍久除無束縛鄉山欲買尙躊躇一椽聊借詩人
屋大好城南獨學廬

所居即石琢堂前
輩故宅有獨學廬

不才何敢望前賢仙籍剛遲六十年

琢堂前輩爲乾隆庚戌入
一入子亦以道光庚戌入

詞館

或有因緣存翰墨故容嘯傲寄林泉園荒更擬添栽竹池小

還思補種蓮殊較梁家夫婦勝當年廡下太堪憐

近代詩鈔

俞樾

七

摩挲碑碣手頻揩遺址重尋資硯齋讀此即何義門先生故居

有資前輩風流吾豈及小園花木近猶佳磷岫石骨高于屋漱

灩波紋綠到階最喜數椽臨水築紅蠻隔子早安排

眠雲精舍樹微波想見當年勝地多眠雲精舍微波皆欲為

名園記興廢空留老樹意婆娑百年俯仰成今昔半畝寬閑足

嘯歌安得草堂資十萬重將舊迹補煙蘿

賊薄蘇州余倉卒出城時四月初四日也轉展遷徙于五

月初二日渡江入越寇氛稍遠聊復息肩途中得四絕

句紀事

為愛園林柳五株等閒未即去姑蘇余所寓石氏五柳園如何

一夕倉皇甚驚聽林間叫鷓鴣

寶帶橋邊正夕曛回看紅燄已連雲可憐一炬姑蘇火知是兵

烽是寇氛

仙人潭水好停舟位置琴尊一小樓偏有夢中人告語僅堪半

月此句留余有薄業在新市遂往依之沈氏屋有樓數間頗

可居半月後卒符其語亦可異也

浙西烽火苦相催故里荒蕪半草萊欲乞鑑湖吾豈敢一帆聊

復渡江來

余主講蘇州紫陽書院而孫琴西同年適亦主講杭州之

紫陽一時有庚戌兩紫陽之目戲作詩寄琴西

廿年得失共名場余舊有贈琴西詩云廿載名場同得今日東

南兩紫陽亂後鬚眉都小異狂來旗鼓尙相當主盟壇坫誰牛

耳載酒江湖舊雁行寄語執經諸弟子莫爭門戶苦參商

移居紫陽書院作

近代詩鈔 俞樾 八

舊游過眼總雲煙又向吳中借一廛韓愈偶成進學解屈原聊
賦卜居篇高登壇坫雖非分暫寄琴書亦是緣輸與興公清福
好好山剛對講堂前謂孫琴西

昔年曾此共壺觴三十年來半已忘忽向雪泥重問訊劇憐泡

影太匆忙舊為吳氏屋道光十烏衣零落門庭換銅狄摩挲感

慨長賸有當時舊賓客天留老眼看興亡姚松田舅氏乃吳氏舊客今年已七十尚

在吳中

丁卯五月至金陵謁湘鄉師相賦呈

回憶端門覆試時玉階卸砌晝遲遲姓名謬許羣仙冠文字曾

叨一日知擊節樂天原草句沈吟小宋落花詩至今春色終何

在未免頰顏對絳帷余庚戌覆試公為閱卷大臣因詩有花落春仍在旬期許甚殷

丁禹生撫部與余言湘鄉相公嘗言俞蔭甫真讀書人丁

禹生真作官人余因憶去年見公金陵公嘗言李少荃
拌命作官俞蔭甫拌命著書余何人斯而公輒與中興
名臣相提並論雖非所克當然未始不自喜也乃以小

詩紀之

開府經綸滿江左元戎勳業動乾坤如何老學庵中客籬鷓雲

鵬一例論

雲棲理安紀游各一首選一

籃輿至雲棲夾路盡修竹身入綠雲中不識有炎燠僧言今所
存不及昔五六曩者不見天但見一片綠聞言感今昔盛衰若
轉轂不恨我來遲轉悔我來速再隔三十年舊觀儻可復

雨夜呈壬甫兄

一穗孤燈淡欲消臥聞淅瀝響芭蕉聯床記聽春明雨十八年

來又此宵

穀雨日陳竹川沈蘭舫兩廣文招作龍井虎跑之游徧歷

九谿十八澗及烟霞水樂石屋諸洞之勝得詩五章

二選

五年住西湖未盡南山勝遙指翠微閒探奇猶有賸暮春天氣
佳雲山發幽興二君有同志游事從頭定先日戒輿丁臨行問
山徑龍井至虎跑自晨游到暝

九谿十八澗山中最勝處昔久聞其名今始窮其趣重重疊疊
山曲曲環環路東東丁丁泉高高下下樹拳帷看未足相約下
輿步愈進愈幽深一轉一回顧每當溪折處履石乃得渡詩云
深則砒此句爲我賦但取滌塵襟不嫌溼芒屨俯聽琴筑喧仰
見屏障護九嶷有九谿茲更倍其數迤邐到理安精廬略可住
老僧具伊蒲欣然爲舉箸

自天竺踰棋盤嶺歷九溪十八澗至理安途中得詩二章

示從游者

我登棋盤嶺四顧何廓然其前錢唐江望見風帆船西湖在其
東有若明鏡圓望我所居樓了了在目前籃輿偶此過一步一
流連惜無可坐處勝概收未全安得築一亭高據茲山巔
我行十八澗何其繚以曲重重疊疊山其妙總在複山中何所
有松竹雜蒼綠更喜高下間襯以紅躑躅籃輿偶此過一步一
往復惜無可坐處勝景看未足安得結一庵深藏此山腹

余故里無家久寓吳下去年於馬醫巷西頭買得潘氏廢

地一區築室三十餘楹其旁隙地築爲小園壘石鑿池

雜蒔花木以其形曲名曰曲園乙亥四月落成率成五

言五章聊以紀事

吾家烏巾山舊有先人屋四齡卽遷徙至今遂難復東華挂朝
籍中州忝使竹自此稱賓氓十有八寒燠天地本遽廬何者我
邦族吳中五柳園昔曾寄游矚亂後廢爲墟止餘水一掬幸茲
馬醫巷有地吉可卜爰自去年秋辛勤事版築居然告成功止
閱弦望六但取粗可居焉敢窮土木吾學公子荆一苟萬事足
其前闢爲門門小纔通車合肥李文華署曰著書廬李少荃相國書德清
俞太史著書之廬其中爲聽事頗覺寬有餘是曰樂知堂老彭
爲我書琴謂彭雪樂天而知命斯義聊自娛由此入內室居處全
家俱上以奉老母下以容妻孥賓朋別有館僕媪各有居幽隱
爲屏區明敞爲庖廚規模罔不具曰陋則有諸
自聽事而西有春在堂焉文正所題榜墨彩今猶鮮四方君子
至皆於此周旋曾文正昔爲余書春在堂三字今於樂此內有

至皆於此周旋

曾文正昔爲余書春在堂三字今於樂

此內有

此內有

此內有

此內有

此內有

此內有

此內有

此內有

此內有

隙地不能成方圓自南而北東有若磬折然書生例好事所樂
惟林泉爰因地一曲而築屋數椽卷石與勺水聊復供流連名
之曰曲園爲鈎不爲弦吾聞之老子所謂曲則全

曲園雖褊小亦頗具曲折達齋認春軒南北相隔絕花木隱翳
之山石復嶮岬循山登其巔小坐可玩月其下一小池游鱗出
復沒右有曲水亭紅欄映清冽左有回峯閣階下石凹凸遵此
石徑行又東出自穴依依柳陰中編竹補其闕築屋名良宦廣
不逾十笏勿云此園小足以養吾拙別詳曲園記吾茲不具說
昌黎三十年辛苦成屋廬作詩誇兒曹意溢詞之餘東坡讀而
歎謂不淵明如嗟余本無似碌碌章句儒年華逝水迅往事搏
沙虛乾坤逆旅中偶此留須臾若復相炫燿大可相擲揄有記
更有詩姑以存區區竊示高平君不用書示符

近代詩鈔

周星譽

星譽字昀叔一字叔雲河南祥符人道光庚戌進士官
至廣東鹽運使有漚堂贍橐

石遺室詩話漚堂以長短句名家能爲秦七柳七黃九
之言有東鷗草堂詞二卷詩所贍不多自多麗句至長
篇亦不盡然對句可摘者如元日云押券舊逋多酒債
到門賀柬半詩人曉發紫荆關云雁羣低砦黑馬色接
天青送徐子遠云十載罷趨南省月一官肯換北窗風
任渭長爲王平子畫案頭清供予題絕句

樺燭風簾月氣深看君醉墨灑溪藤只餘一事添惆悵欠寫花
前食酒僧

臨趙子固墨梅橫幅贈楊菊人同年

先澤

出守漳州並寄

邵泮生學使

亨豫

墨梅一派剗有宋獨闢規矩成專家細筋入骨心運指法參草
籀通蒼伽花光補之起相踵各立壁壘爭浚加元興吳生足奇
蹟仙農沒骨尤丰華謹嚴既極出變化一燈四衍光無差雪湖
晚起強解事別出新意驚兒娃破圈硬點恣狼藉生氣索莫成
枯楂礬皴水暈尤可笑古法蕩盡同烟沙匹如佛去法界晦羣
魔百怪爭紛拏流傳謬種真教歇望古不及空咨嗟茗川王孫
避世士閉門逸氣凌青霞生平作畫有妙悟水仙出現言非夸
興來埽此五尺絹粹如玳瑁祛纖瑕神澄氣斂筆力厚但有妥
帖無槎枒千花舞空鶴矯矯一梢拔地龍衙衙枝繁蕊密少複
沓競出姿態相矜誇古人遺訣今始睹恍聆韶濩刪箏琶急呼

筆硯臨一幅畫虎技劣心偏奢關西遠孫清白吏十年郎署紆
青緇讀書從政志有在不扶而直蓬生麻一麾暫出守大郡天
使吾道通幽遐使君清德肖此畫非但文藻揄天葩骨高面冷
身玉立不隨桃李爭妍嬰貞臣獨立色愈媚靜女寂處思無邪
太平相對追姚宋豈獨開府森高牙郡城亂後民氣索陽春所
到回萌芽垂簾燕寢少公事榕陰日暖珍禽譁紅蘭綠荔香滿
座影落素幃交橫斜此時讀畫應有憶橫門回首愁天涯圖成
走筆賦長句傾欵醉墨如棲鴉送君且醉燕市酒報我不乞漳
州紗南行更語邵宗伯歲寒同寄南枝花

春盡日應氏江樓卽事

擁髻幽房待月生麝熏棲帳罷橫陳靜中眉語清宜夜醉後肌
香暖著人深院畫簾明似水小窗紅燭短於春籠鷺睡起花陰

近代詩鈔

周星譽

一一

白密誓憑肩話洛神

春日西湖卽席

百重烟翠鏡中涵
白塔紅亭面面環
十里松聲全在水
一湖花氣欲浮山
鵝兒酒幔春星外
燕子茶檣細雨閒
蓴熟錫香好天氣
清游肯放畫船閒

閉門

閉門戢孤影
人鬼罷相憐
清氣生高餓
沈憂中獨眠
秋聲依磬
肅夜趣溢燈
妍合眼寒衾
底寥寥見百年

江程

牂河南上鷓鴣啼
迢遞江程望轉迷
傳箭心懸關日外
寄書日斷嶺雲西
涼州博得應須酒
函谷封來未有泥
夢入玉堂鈴索動
水牕殘燭雨淒淒

近代詩鈔

周星詒

星詒字季貺
星譽弟官福建建寧府知府
有竊橫詩質
石遺室詩話竊橫詩質皆五言律
無他體多真摯語句

如合眼見皇古
置身如萬山

洞庭湖度太暝色數星大
蟬吟獨樹豪
孤憤雲無緒
荒愁

月與知煙莽
荒成趣宜吾
冷性情水雲天
一雁星月殿

雙鷗寒盡無婉語
腐樹有奇香

贈桐城蕭敬孚

性情膠漆合賞解
過從頻嗜學如甘肉
醉心猶飲醇見聞徵
埜錄言動一天真
確爾安儒素東南祇數人

題丁二堯蕉雨山房詩集

近代詩鈔

周星詒

亂雅天淺碧禿柳月昏黃詩境清難畫君才雅擅場激昂塞
曲觴詠水雲鄉病榻閒相對春泉瀹茗香

自吳歸越霧中順風渡錢塘江

壬辰

近家心轉急劈箭快揚舲颯受顛風健江蒸沫雨腥浪花翻素
瀨煙色互玄冥迎渡稽山好褰雲一角青

雨後野步

偶然行樂出不覺出門遙負手仰看樹無心錯過橋風林香柏
子雨架簷瓜苗池水剛添寸翻騰鴨便驕

寄蕭敬孚滬濱

傭書供養母客裏自安貧掌錄徵遺獻豪譚見本真森森高行
少切切旅情親修謁容疏簡耐知懶詣人

晤言逢客次薜苔便依依長日貪高對隨時候款扉衝泥猶我

過看景恐君歸枉訪座常滿會心交獨稀

夏仲訂譚二追從共快游暑消河朔飲醉買泰西樓

滬上法界西租地界

有島夷樓

連袂緣偏嗇歸颿夜獨抽相思託江水日夕與南流

海上函來數殷勤苦念余半年嘗臥病一答未裁書落葉紛秋
郭餘生困索居感時懷結轡準欲就君紆

喜敬孚自滬上來訪

百年能幾聚每見各驚衰越酒秋初熟吳船午乍來纏綿隔歲
話造次一樽開相對都忘睡晨雞厭數催

春夜

不睡百憂集春深此草堂山風時啓戶江月直窺床轉燭窮花
態緘茶養露香幸多閒事業消得夜茫茫

飲酒示女

近代詩鈔

周星詒

一一

涼吹奄忽至落葉紛與偕愴以悽秋氣蒼然感酒懷土枯諸骨
肉余同產七兄及三風侮老筋骸醉死從烏食無爲廢鋪埋

化鹿山中紀行

秋爽游懷健青鞵不厭遐路痕隨草轉石脈赴江斜巖偃筍懸
出樹枯籐代花隔煙聞搗藥乞飲叩山家

夜行蕭山道中望姚大舟不至

擄搖殘夢起一碧豔姓空林月淡將隱海雲微欲紅鐘先雞趣
曙秋縱隼盤風一昔沮良會清言誰與同

哭玲婢

老我無姬妾昕宵仗爾隨遽悲人鬼別恍覺影形離垂暝聞聲
起披衣忍死支婢十一月十五日薄暮得微疾也時因猶可救

心疾失醫遲

